

ծնողքն և Պաղտասար վրդ. Ս. Աթոռի մատենադարանին Վառակ արքայեղբոր 222 (=1337) թուական ձեռագիր Աւետարանին արծաթեայ կողքը իրենց ծախքով շինել կուտան և կը գրեն հաւեհալ յիշատակարանը նոյն ձեռագրին մէջ. «Յիշատակ է սուրբ Աւետարանիս արծաթեայ կողքն Վանեցի մհա. Մարգարին և կողակցւոյն Փէրուխանին և որդւոյն Պաղտասար վրդ.ին և ամենայն զարմից նոցին ի դուռն Ս. Յակոբայ թվ. ՌժՂԹ» (=1750):

ՊԱՂՏԱՍԱՐ ՎՐԴ. ՏԻԳՐԱՆԱԿԵՐՏՑԻ.— Ա. Չնքուշի. Ս. Յակոբի վանքի մատենադարանին 1867ին կը նուիրէ ներսէսէս Լամբրոնացիին Առախաց, Ժողովողի և Իմաստբեան գիրքերուն մեկնութիւնը որ 1329ին ընդօրինակուած է Վայոց ձորի մէջ իշխանաց իշխանին պարոն Պուրթէլի, և Նշեցի հոետոր նսալիի վարժապետութեան օրով (Սիօն 1867. էջ 80):

ՊԱՂՏԱՍԱՐ ՔԶ. ՀՐԶՈՒԵՑԻ.— Հաւանաբար 1651ին ուխտաւորութեամբ Ս. Յակոբի վանքը կը գտնուի և ստացողն ըլլալով նկարագարդ ձեռագիր Շարակնոցի մը՝ զայն կը յիշատակէ հտեհալ յիշատակողութեամբ. «Ես տէր Պաղտասարս Հըզեցի ի սուրբ Երուսաղէմ ի թվին Ռժ (=1651)ին ի հալալ ինչից իմոց, ստացայ զեղանակաւոր տառս... որ կոչի շարակնոց, յիշատակ ինձ և ծնողաց իմոց էնիւթին և մղտեսի Մանուչակին և կողակցին իմոյ մղտեսի Փարիխոհին և նորաբողբոջ որդւոյն իմոյ սրկ. Երեմիային և փոխեցելոյն առ Քս. տէր Պետրոսին, մղտեսի Ղարիպին, և Զարգարին և դստերացս. բ. Հովփսիմին և միւս երեմիային...» (Խապ. Յուց. տետր ԺԷ. էջ 1327):

ՊԱՏՐԻԿ ԿԻԻԼՊԷՆԿԵԱՆ, ԿԵՍԱՐԱՅԻ.— Ծ. 1858ին Թաւախի մէջ. այժմ Ամերիկա կը գտնուի: Ս. Փրկչի վանքին վերանորոգութեան հանգանակութեան համար, Պոլսի մէջ 1889ին կոնդակ կ'ստանայ ազգ. պատրիարքարանէն և կ'արդիւնաւորէ զայն իր ջանքերովը. 1896ին ուխտաւորութեամբ կ'այցիէ Ս. Յակոբի վանքը: 1925ին փափաք կը յայտնէ կրթական ծախքը հոգալ Ս. Յակոբի վանքին մէջ եկեղեցականութեան պատրաստուողներէ կազմուած մասնաւոր դասարանի մը, իր եղբոր Կիւլլապիի և որդւոյն Սերովբէի յիշատակին համար, և այս նպատակաւ հինգ տարի կ'ստանձնէ վճարել 5000 ոսկի, տարեկան 1000 ոսկիի մասնավճարով: Վանական վարչութիւնը ընդատաջ եր-